



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliarvm Omnium Generalivm Et Provincialivm Collectio Regia

Ab anno CCCXLVII. ad annum CCCCI.

Parisiis, 1644

Concilivm Constantinopolitanvm, In quo causa duorum episcoporum,
eumdem Bostiensem episcopatum sibi vendicantium, definita fuit.

urn:nbn:de:hbz:466:1-15256

* C O N C I L I V M
C O N S T A N T I N O P O L I T A N V M,

*In quo causa duorum episcoporum, eundem Bostiensis
episcopatum sibi vendicantium, definita fuit.*

N O T A.

Acta Con-
cili.

* *Concilium.*] Ob controuersiam duorum episcoporum Agapii & Gebadii eundem Bostiensis episcopatum sibi vendicare satagentium, cum multis aliis ecclesie orientalis episcopis, quorum nomina in actis recensentur, duos patriarchas, Alexandrinum nimirum & Antiochenum conuenisse, probabile non est. Sed potius illud maiore fide asseri posse videtur, quod ad dedicandam nouam basilicam apostolorum Petri & Pauli nomine, a Rufino praefecto praetorio erectam, conuocati & congregati, post sacra solennia ex more expleta, praedictam controuersiam inter nominatos supra episcopos obortam, iudicio suo definiuerunt eo modo, quo acta a Theodoro Balsamone enarrata declarant, nimirum, ex sententia Theophili Alexandrini decisum fuisse, non aliter, quam synodali iudicio, cui episcopi fere vniuersi interfuerint, episcopum deponi posse aut licere. Vide Baron. anno 394. num. 25. & sequentibus.

C O N C I L I V M * A D R V M E T I N V M
I N A F R I C A.

N O T A.

Tempus
Concili.

* *Adrumetinum.*] Arcadio tertium & Honorio secundum consulibus, anno nimirum Christi 394. Adrumeti in Africa hanc Synodum celebratam, atque ad eam ab Aurelio Carthaginensi episcopo legationem missam fuisse, patet infra initio Concilii Africani, ubi haec scripta leguntur: *Gloriosissimis imperatoribus Arcadio tertio & Honorio secundo August. consulibus, sexto Kalendarum Iuliarum Carthagine. In hoc Concilio legati directi sunt episcopi, proconulares ad Concilium Adrumetinum.* Quae vero in hac Synodo constituta fuerint, non apparet; ideo quod diuersorum Conciliorum Canones in vnum collecti, simul sub vno titulo Concilii Africani, admixti habeantur. Vide Baron. anno 394. num. 32.